

**JAVNA USTANOVA DOM ZDRAVLJA OLOVO**  
**ul. Branilaca Olova bb**

Na osnovu člana 4. Uredbe o postupku prijema u radni odnos u javnom sektoru u Zeničko – dobojskom kantonu (“Službene novine Ze – do kantona“ broj: 8/19) i Odluke o potrebi prijema u radni odnos broj: 2044/20 od 06.07.2020. godine, JU Dom zdravlja Olovo raspisuje

**JAVNI OGLAS**  
**ZA PRIJEM U RADNI ODNOS**

**I**

JU Dom zdravlja Olovo prima u radni odnos sljedeće radnike na sljedeća radna mjesta:

<b>1. DOKTOR STOMATOLOGIJE</b>	<b>1 IZVRŠILAC;</b>
<b>2. POM.DIR.ZA EKONOMSKE POSLOVE</b>	<b>1 IZVRŠILAC;</b>
<b>3. DIPL. INŽENJER MED.LABO.DIJAGNOSTIKE</b>	<b>1 IZVRŠILAC;</b>
<b>4. MEDICINSKA SESTRA TEHNIČAR</b>	<b>2 IZVRŠIOCA;</b>
<b>5. MEDICINSKA SESTRA TEHNIČAR</b>	<b>1 IZVRŠILAC;</b>
<b>6. LABORATORIJSKI TEHNIČAR</b>	<b>1 IZVRŠILAC;</b>
<b>7. ZUBNI TEHNIČAR</b>	<b>1 IZVRŠILAC;</b>
<b>8. VOZAČ HITNE POMOĆI</b>	<b>1 IZVRŠILAC;</b>
<b>9. ČISTAČICA</b>	<b>1 IZVRŠILAC.</b>

Radna mjesta se raspisuju na period u trajanju od 6 mjeseci izuzev za tačku 5 koja se raspisuje na period od 3 mjeseca.

**II**

Kandidati treba da ispunjavaju sljedeće opće uslove za prijem u radni odnos:

- da su državljani Bosne i Hercegovine;
- da su stariji od 18 godina i
- da imaju zdravstvenu sposobnost za zasnivanje radnog odnosa za gore navedena radna mjesta.

Posebni uslovi koje kandidati moraju da ispunjavaju, posebno za svako radno mjesto, su:

**1. Za radno mjesto Doktor stomatologije:**

- Da ima završen stomatološki fakultet;
- Da ima najmanje dvije godine radnog iskustva u struci.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- klinički pregled (prvi i ponovni) lica sa oboljenjem ili povredom zuba i usne šupljine,
- utvrđuje potrebu liječenja, daje nalog za obavljanje dijagnostičkih pretraga i specijalističkih konsultativnih pregleda, interpretira nalaze i utvrđuje dijagnozu i način liječenja oboljelih i povrijeđenih lica,
- propisuje i ordinira medikamentoznu terapiju,
- vrši stomatološke intervencije, i to: konzervativne: plomibiranje, prekrivanje pulpe, vitalna i mortalna amputacija pulpe jedne i više korjenih zuba, liječenje gangrene simplex jednokorjenih zuba, liječenje lakših formi gingivita i stomatita,
- hirurške intervencije: ekstrakcije zuba, incizija apscesa (intraoralno) apikotomija, hemostaza (intraoralno),
- protetske: navlake metalne i fasetirane, mostovi sa masivnim i fasetiranim zubima, proteze parcijalne i totalne od akrilata i metala, reparature proteze,
- pruža prvu i hitnu stomatološku pomoć i itd.

Visina osnovne plate: cca 1.744,00 KM.

Mjesto rada: JU Dom zdravlja Olovo i terenska Ambulanta sa početkom rada od 13.08.2020. godine.

## **2. Za radno mjesto Pomoćnik direktora za ekonomske poslove:**

- Da ima završen ekonomski fakultet;
- Da ima najmanje dvije godine radnog iskustva u struci.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- odgovoran je za zakonitost cjelokupnog ekonomsko-financijskog poslovanja,
- vrši kontrolu materijalno – financijskog poslovanja, sagledava stanje i predlaže mjere za obezbjeđenje likvidnosti poslovanja,
- učestvuje u izradi završnog računa i periodičnih obračuna,
- učestvuje u izradi plana poslovanja,
- radi izvještaje, analize i informacije o poslovanju i dostavlja ih nadležnim organima,
- učestvuje u izradi nacrtu i prijedloga akata iz oblasti formiranja i raspodjele za plaće i drugih primanja zaposlenika,
- radi i učestvuje u izradi nacrtu i prijedloga odluka i rješenja iz oblasti ekonomsko – financijskih poslova koje donosi direktor i Upravni odbor,
- radi i učestvuje u izradi cjenovnika usluga iz domena djelatnosti u saradnji sa rukovodiocima drugih službi,
- prati realizaciju ugovora koje zaključuje direktor, u vezi sa materijalno – financijskim poslovanjem,
- obezbjeđuje investiciono – tehničku dokumentaciju,
- daje inicijativu za donošenje odluke o godišnjem inventarisanju imovine,
- prati zakonske propise i usklađuje financijsko – materijalno poslovanje sa propisima i opštim aktima,
- brine se o čuvanju i odlaganju knjigovodstvenih dokumenata,
- obavlja i ostale poslove i zadatke iz domena ekonomsko – financijske službe koje mu stavi u zadatak direktor.

Visina osnovne plate: cca 1.414,87 KM.

Mjesto rada: JU Dom zdravlja Olovo sa početkom rada od 06.08.2020. godine.

## **3. Za radno mjesto Diplomirani inženjer medicinsko laboratorijske dijagnostike:**

- Da ima završen fakultet zdravstvenih studija VSS – smjer diplomirani inženjer medicinsko – laboratorijske dijagnostike 240 ECTS bodova;
- Da ima položen stručni ispit;
- Da ima najmanje jednu godinu dana radnog iskustva u struci.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- odgovoran je za ispravnost aparata,
- kontroliše i sudjeluje u preuzimanju biološkog materijala za analize,
- obavještava neposrednog rukovodioca o ispravnosti opreme i pomagala,
- brine o redovnoj nabavci i čuvanju potrebnih test reagenasa, kemikalija, seruma, potrošnog materijala, kao i rezervnih dijelova za opremu kojom se služi,
- brine o primjeni mjera lične i kolektivne zaštite,
- obavlja poslove višeg medicinskog laboratorijskog tehničara,
- obavlja dio poslova biohemije iz domena primarne zdravstvene zaštite,
- vodi evidenciju o broju i vrsti izvršenih analiza, vodi protokol službe,
- sudjeluje u izradi izvještaja i plana rade službe ,
- učestvuje u radu sistematskih i periodičnih pregleda zaposlenika,
- vrši hematološke i biohemijske laboratorijske pretrage i pregled sputme na BK,
- upućuje uzete uzroke na ispitivanja u druge specijalizovane organizacije i ustanove,
- prati i analizira zdravstvenu potrošnju iz svoga domena,
- vodi propisane evidencije i čuva dokumentaciju iz svog domena,
- organizuje i sprovodi stručno usavršavanje i obavljanje pripravničkog staža svojih zaposlenika, sastavlja godišnji plan svoga rada i podnosi periodične i godišnji izvještaj o radu,
- izvođenje laboratorijskih testova na bazi usvojenih standarda i metoda rada,
- uzimanje kapilarne krvi od odraslih i djece,
- uzimanje krvi iz vene od odraslih i djece,
- uzimanje krvi u stanu bolesnika,
- kvalitativni pregled urina-test trakom,
- diferencijalna krvna slika,

- upravlja putničkim vozilom prilikom obavljanja kućnih posjeta i rada na terenu kao i ostale poslove predviđene Parvilnikom o radu.

Visina osnovne plate: cca 1.414,87 KM.

Mjesto rada: JU Dom zdravlja Olovo sa početkom rada od 06.08.2020. godine.

#### **4. Za radno mjesto Medicinska sestra tehničar:**

- da ima završenu srednju medicinsku školu – smjer opšti,
- da ima položen stručni ispit za zvanje medicinska sestra-tehničar,
- da ima 6 mjeseci radnog iskustva na poslovima medicinske sestre tehničara.

Status: 2 izvršioca na određeno vrijeme u trajanju od 6 mjeseci.

Kratak opis poslova:

- zadužen je i odgovoran za inventar, medicinsku opremu i njeno održavanje, odnosno sredstva potrebna za njegu, liječenje i rehabilitaciju sa kojima rukuje,
- odgovoran je za smještaj, trajnost i čuvanje lijekova,
- vrši nabavku lijekova i zavojnog materijala po nalogu ljekara u amublanti,
- vrši obračun lijekova i zavojnog materijala, te dostavlja iste računovodstvu u propisanom roku,
- kod prijema bolesnika ili porodilje vrši zaduženja i razduženja sa garderobom bolesnika i stara se o istoj,
- vrši poslove sterilizacije i odgovoran je za sterilnost instrumenata, zavojnog materijala, konca, rukavica i dr., a povremeno šalje uzorke ovog materijala za dobivanje atesta sterilnosti i atesta ispravnosti aparata za sterilizaciju,
- vrši prijem i trijažu oboljelih i povrijeđenih,
- vrši sanitarnu obradu bolesnika,
- vrši termometriju, mjerenje pulsa a. radialis i upisuje nalaze,

Visina osnovne plate: cca 929,77 KM

Mjesto rada: JU Dom zdravlja Olovo sa početkom rada od 06.08.2020. godine.

#### **5. Za radno mjesto Medicinska sestra tehničar:**

- da ima završenu srednju medicinsku školu – smjer opšti,
- da ima položen stručni ispit za zvanje medicinska sestra-tehničar,
- da ima 6 mjeseci radnog iskustva na poslovima medicinske sestre tehničara.

Status: 1 izvršilac na određeno vrijeme u trajanju od 3 mjeseca.

Kratak opis poslova:

- zadužen je i odgovoran za inventar, medicinsku opremu i njeno održavanje, odnosno sredstva potrebna za njegu, liječenje i rehabilitaciju sa kojima rukuje,
- odgovoran je za smještaj, trajnost i čuvanje lijekova,
- vrši nabavku lijekova i zavojnog materijala po nalogu ljekara u amublanti,
- vrši obračun lijekova i zavojnog materijala, te dostavlja iste računovodstvu u propisanom roku,
- kod prijema bolesnika ili porodilje vrši zaduženja i razduženja sa garderobom bolesnika i stara se o istoj,
- vrši poslove sterilizacije i odgovoran je za sterilnost instrumenata, zavojnog materijala, konca, rukavica i dr., a povremeno šalje uzorke ovog materijala za dobivanje atesta sterilnosti i atesta ispravnosti aparata za sterilizaciju,
- vrši prijem i trijažu oboljelih i povrijeđenih,
- vrši sanitarnu obradu bolesnika,
- vrši termometriju, mjerenje pulsa a. radialis i upisuje nalaze,

Visina osnovne plate: cca 929,77 KM

Mjesto rada: JU Dom zdravlja Olovo sa početkom rada od 01.10.2020. godine.

#### **6. Za radno mjesto Laboratorijski tehničar**

- da ima završenu srednju medicinsku školu – smjer laboratorijski,
- da ima položen stručni ispit za zvanje laboratorijski tehničar,
- da ima 6 mjeseci radnog iskustva u struci.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- preuzima materijal, sredstva i opremu za rad, održava i čuva,
- vrši pripremne poslove, a naročito: destilaciju, redestilaciju i dejonizaciju vode, destilaciju organskih rastvarača priprema i učestvuje u spravljaju rastvora, tekućih i čvrstih podloga i vrši sterilizaciju materijala, sredstava i opreme,
- uzima materijal za laboratorijske dijagnostičke pretrage, krv, briseve, sekrete i ekstrete, vrši želudačnu i duodenalnu tubažu, citološku i cito dijagnostike: uzima i preuzima uzorke životne sredine – vode za piće, otpadne vode, vazduh, tlo, robu široke potrošnje i životne namirnice,
- određuje u oblasti hemotologije broj: eritrocita, leukocita, trombocita, retikulocita, vrijeme SE krvi i izračunava apsolutne vrijednosti u krvi, određuje vrijeme krvarenja (primarnog i sekundarnog, vrijeme zgrušavanja i protrombinsko vrijeme, bezofilno punktiranih eritrocita, količinu hemoglobina, i hematokrita,
- vrši rutinski pregled urina (boja, bjelančevina, šećer, aceton, bilirubin, urobilinogen) i priprema sediment urina za mikroskopiranje,
- učestvuje u poslovima bakteriološke, serološke, parazitološke i virusološke dijagnostike, po uputi specijaliste mikrobiologa,
- radi na izradi histoloških i citoloških preparata, pretežno rutinskih, a manje posebnih metoda,
- u oblasti sanitarne hemije, vrši određivanje fizikalnih i hemijskih svojstava (rutinskih metodama), svojstva vode za piće i životnih namirnica: kvalitativno i kvantitativno,
- vodi dokumentaciju, evidenciju primljenog materijala dobivenih nalaza i pišu nalaze,
- upravlja putničkim vozilom prilikom obavljanja kućnih posjeta i rada na terenu,
- obavlja i druge poslove koje mu stavi u zadatak neposredni rukovodilac.

Visina osnovne plate: cca 929,77 KM

Mjesto rada: JU Dom zdravlja Olovo sa početkom rada od 01.09.2020. godine.

#### **7. Za radno mjesto Zubni tehničar:**

- da ima završenu srednju medicinsku školu – smjer zubotehnički,
- da ima položen stručni ispit za zvanje zubni tehničar,
- da ima 6 mjeseci radnog iskustva na poslovima zubnog tehničara.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- zadužen je za sredstva i opremu sa kojim rukuje i za njihovo održavanje,
- učestvuje u planiranju protetskih radova,
- vrši izradu svih vrsta navlaka i krunica,
- vrši izradu svih vrsta mostova,
- vrši izradu svih vrsta inleja i pinleja,
- vrši izradu svih vrsta proteza od akrilata i metala,
- vrši izradu i ugrađivanje podjezičnih i nepčanih, lukova, kukica i drugih retencionih elemenata u protetske radove,
- vrši izradu svih vrsta opturatora, postresecionih proteza i epiteza,
- vrši reparature protetskih radova i itd.

Visina osnovne plate: cca 929,77 KM

Mjesto rada: JU Dom zdravlja Olovo i terenska Ambulanta sa početkom rada od 16.09.2020. godine.

#### **8. Za radno mjesto Vozač hitne pomoći:**

- Da ima završenu srednju saobraćajnu stručnu školu u zanimanju KV vozača motornih vozila;
- Da ima najmanje 6 mjeseci radnog iskustva na poslovima vozača;

Status: 1 izvršilac na određeno vrijeme u trajanju od 6 mjeseci.

Kratak opis poslova:

- vrši sve potrebne radnje koje podrazumijeva transport bolesnika i drugih lica sanitetskim vozilima, te obavlja potrebne prateće radnje za smještaj bolesnika u određene ustanove,
- vrši prevoz radnika u cilju obavljanja službenih poslova,
- vrši tekuće održavanje i čišćenje vozila i brine se o njihovoj ispravnosti, pravilno rukovanje i odgovoran je za ispravnost vozila,
- trebuje gorivo, mazivo i ostali potrošni materijal i pravda utrošak,
- brine se o čuvanju, zaštiti i smještaju vozila,

- obavlja i ostale poslove koje mu u zadatak stavi neposredni rukovodilac.

Visina osnovne plate: cca 687,22 KM

Mjesto rada: JU Dom zdravlja Olovo sa početkom rada od 13.08.2020. godine.

#### **9. Za radno mjesto Čistačica u Ambulanti Solun:**

- Da ima završenu osnovnu školu;
- Da ima najmanje 6 mjeseci radnog iskustva na poslovima čistačice.

Status: 1 izvršilac na određeno vrijeme u trajanju od 6 mjeseci.

Kratak opis poslova:

- održava čistoću u sobama, hodnicima, kancelarijama i drugim prostorijama,
- vrši čišćenje i održavanje sanitarnih uređaja,
- vrši čišćenje kruga JU Dom zdravlja Olovo,
- vrši loženje i zagrijavanje prostorija u kojima nema parnog grijanja,
- baca smeće u kontejnere,
- brine se o zaštiti i čuvanju inventara i opreme u poslovnim prostorijama,
- obavlja i ostale poslove koje joj stavi u zadatak neposredni rukovodilac.

Visina osnovne plate: cca 485,10 KM

Mjesto rada: Ambulanta Solun i JU Dom zdravlja Olovo sa početkom rada od 06.08.2020. godine.

### **III**

Postupak izbora kandidata vršit će se na osnovu razmatranja dostavljene dokumentacije te održanog pismenog i usmenog ispita odnosno intervju sa svakim od kandidata koji je dostavio urednu, potpunu i blagovremenu prijavu zavisno od pozicije za koju se kandidat prijavio.

Kriterij za bodovanje kandidata će biti pismeni i usmeni stručni ispit za pozicije 1, 2 i 3 i održani intervju za pozicije od 4 – 9.

Intervju će sadržavati pitanja iz oblasti struke kao i poznavanja poslova predviđenih radnim mjestom na koje se odnosi prijava kandidata.

Svaki kandidat mora ostvariti najmanje 60% od mogućeg broja bodova na održanom intervjuu da bi se našao na Listi uspješnih kandidata.

Ukupan broj bodova koji se može ostvariti po osnovu intervju, kandidatima će biti saopšten prilikom pristupanja na intervju.

### **IV**

Radni odnos za sva radna mjesta po navedenim pozicijama zasniva se na određeno vrijeme.

### **V**

Uz prijavu na javni oglas koja je zaseban dokument i koja mora biti potpisana, kandidati su dužni priložiti i sljedeće dokaze:

- Kraću biografiju sa adresom i kontakt telefonom kandidata,
- Diplomu/diplome/svjedočanstvo o završenoj školi;
- Odobrenje za samostalan rad (za pozicije: 1, 3, 4, 5, 6, 7);
- Uvjerenje o položenom stručnom ispitu (za pozicije: 1, 3, 4, 5, 6, 7);
- Dokaz o radnom iskustvu izdat od strane Porezne uprave (potvrda ili uvjerenje).
- Uvjerenje o državljanstvu, ne starije od 6 mjeseci,
- Izvod iz matične knjige rođenih,
- CIPS-ova potvrda o prebivalištu,
- Preporuka ranijeg poslodavca.

Dokazi se prilažu u originalu ili ovjerenim fotokopijama.

**NAPOMENA:** Izabrani kandidati će biti u obavezi da, u roku od 15 dana od dana zaprimanja obavještenja o njihovom izboru kao najboljih kandidata, dostave ljekarska uvjerenja o zdravstvenoj sposobnosti za zasnivanje radnog odnosa na navedenim radnim mjestima.

Ukoliko kandidat/i u ostavljenom roku, ne dostavi/e ljekarsko uvjerenje smatrat će se da je/su odustao/li od zaposlenja.

Poslodavac ima pravo poništiti Javni oglas ili jedan dio oglasa, usljed opravdanog razloga, ukoliko bi isti mogao prouzrokovati veću štetu poslodavcu od njegovog održavanja na snazi.

#### VI

Prijava na javni oglas se podnosi na adresu: JU Dom zdravlja Olovo, UI. Branilaca Olova bb, 71 340 Olovo, ili lično na protokol Doma zdravlja u zatvorenoj koverti, sa obaveznom naznakom „NE OTVARAJ – PRIJAVA NA JAVNI OGLAS ZA RADNO MJESTO \_\_\_\_\_“.

Na koverti se obavezno navodi za koje radno mjesto se kandidat prijavljuje kao i ime, prezime i adresa pošiljaoca.

Neuredne, nepotpune i neblagovremene prijave, Komisija za izbor kandidata za prijem u radni odnos će odbaciti.

#### VII

Rok za podnošenje prijava je 8 dana od dana objavljivanja Javnog oglasa u dnevnim novinama Oslobođenje, na web stranici osnivača – općine Olovo, i web stranici JU Službe za zapošljavanje Zeničko – dobojskog kantona, Zenica, računajući rok od njegove posljednje objave.

#### VIII

Kontakt osoba za davanje dodatnih obavještenja je Emir Muminović, broj telefona za dodatna obavještenja je 032/828-080 lokal 101 ili 121.

#### **POM.DIR.ZA PRAVNE POSLOVE**

*Emir Muminović, dipl.iur.*

Broj: 2060/20.

Datum: 07.07.2020. godine

Dostavljeno:

1. Oslobođenje
2. Općina Olovo
3. JU Služba za zapošljavanje Ze-do kantona, Zenica
4. a/a.

**DIREKTOR**

*Mr.sci.med.dr. Izudin Kućanović  
specijalista interne medicine*